

POESIE SARDE

I^a

Deo m'appello a sos industriales
pro azuare in cust'epoca trista
bois chi azzis fattu capitales
azzis po contu ostru ogni provvista
ma su pastore niente acquista
indepidadu e carrigu de males
sezzis tottu sos meres de sas bancas
de pastores alberghe e de tancas.

2^a

Ponidebos sa manu in sa cussenzia
ancoras tue su proprietariu
salvare su pastore es necessariu
ca es sa ostra sa cumbenienza
si bazzis calchi cosa e differenzia
nolu debes portare a su Calvariu
si mori su pastore nolu sentis
ma si mori s'albeghe tinde pentis.

3^a

Sa terra est unu mare de avvolutu
a Levante comente a Ponente
ma sa fortuna es chi dec di tottu
chi faghede elevade a zetta zente
a chie distrue cuddu chi ha connutu
e chie beni riccu dae niente
ma però sa ricchessa pius segura
es sa chi hamos in sa sepultura.

.....

28 Dicembre 1926

POESIA SARDA

1°

Cun bonu sensu e cun bella manera
chelze tottu sos sardos invitare
s'isola nostra cherene isfruttare
sa zente de sa terra istraniera
in sos campos e in sa miniera
est terra nostra po la tribagliare
han pagu drittu sos istranieris
como su sardu sos ogios aberis.

2°

Trattamos de sa vida de su pastore
medas familias restadas in luttu
ca su latte est a prezzu minore
a pius chi han tentu pagu fruttu
tantas annadas malas han distruttu
pasculos, cereales e laore
si mancan custos fruttos de natura
beni s'Isola Sarda in sepultura.

3°

Deo avverte a dogni tribagliante
de coltivare sa terra isolana
cun bona voluntade e bona gana
però chi sia fidele e costante
e lassade de faghe su bracciante
chestuna vida misera e mezzana
s'Isola nostra es ricca e des bistada
solu chi l'hamos tottu abandonada.

.....

"27 Maggio 1885